



Lets in Ostarie:

CONTIS DI FAMEE

di Raffaele Serafini

CE LIBRI ISAL?

Un librut di chei de golaine de Kappa vu *La Comugne*, che e ten dentri sedi la riviste, sedi oparis di narative furlane. Al è fat dut di contis, scrit di Raffaele Serafini e finalist dal Premi San Simon 2014. Lunc 128 pagjinis, al coste 12euros e al à dentri 14 contis, plui une che e fâs di cornîs.

MA CUI ISAL L'AUTÔR?

Raffaele Serafini, al è il nestri e vuestri Ostîr de Ostarie, che al à fat des contis curtis une direzion di ricercje de sô narative e al scrîf di spes di gjenar fantastic, ancje se nol dinee chei altris. Altris contis sôs si puedin cjatâ su cheste ostarie inte [pagjine dal Ostîr](#). In bande de Ostarie, l'autôr al à ancje il blog *gelostellato*, par talian, e *Salvadeat*, par furlan. Al scrîf pensîrs e al met fotografiis [suntun altri](#). Al à vût publicaziont se ricognossiments in cetancj concurs, sedi in lenghe taliane, sedi in lenghe furlane, ma cheste e je la sô prime publicazion.

MA CE ISAL DENTRI, DI PRECÎS?

Une schirie di contis curtis ispiradis aes vicendis di une famee dal Friûl de basse

(Talmassons, Vuirc, Listize e paîs li ator), intai agns che a straviersin dut il Nufcent fintremai a rivâ in di di vuê. Imagjinant di cjatâ lis contis intun futûr pussibil, si domandîsi, o miôr, si domande a une cyborgane, ce che al è di vêr. Denti si cjate storiis curtissimis, e cualchidune plui lungje, che e van devant e in daûr tal timp par contâ, in maniere moderne e une vore lontane de imagine classiche dal furlan, fats maraveôs e misteriôs, dongje di altris une vore plui normâi. Si passe dal diaul a pes che a slusin, di sassinaments familiârs a matrimonis, di becadis di lipare a cjacaradis normâls, di ogni dî. Vierzint la cuviertine si cjate ancje une “acuile” che e pant l’arbul gjenealogjic de famee des contis. Insom e je une post-fazion di Carli Pup.

MA A CUI I PUEDIAL PLASÊ?

A chei che a an plasê di lei contis curtis che ancje se a cjacarin di robis normâls a son scritis in maniere originâl e che a doprin un lengaç moderni e svelt. A chei che no sopuartin lis Contis di famme intundudis come sempliç ricart dal furlan “salt e lavoradôr” che al è bon dome di cjapalis e frignâ, ma ur plasin lis atmosferis cupis, i elemnets magjics e lis sfumadirs neris e cun cualchi tristerie. A chei che an gust di imparâ alc dal Friûl e sul furlan cence inacuarzisi, leint cualchi biele storie.

E SE O AI VOIE DI CJOILU?

Si pues cjapâsi sù e **lâ a cjoli une copie scontade drets tal paîs dal autôr, a Sclaunic, li de mercerie-tabachin Gomba**, in place, (se si è fortunâts si pues ancje cjatâ cjase l’autôr, al numar 6, - o visâlu prime - e fâsi firmâ il libri).

Si lu cjate in cualchi librerie di Udin, o ancje li di Onde Furlane, in vie Volturno.

E ancje passant a **Cjampfuarmit, da Artecornici**

Par comprâlu in rêl **drets dal sît de Kappa vu**

o parcè di no, come ducj i libris, su **ibs**.